

de potentia in actu. Unde nec id, quod quis addiscit, erat omnino prius notum, ut Plato posuit, nec omnino ignotum... sed erat notum potentia sive virtute in principiis præcognitis universalibus, ignotum autem actu secundum propriam cognitionem. Et hoc est addiscere, reduci de cognitione potentiali seu virtuali aut universalis in cognitionem propriam et actualiem (1).

Nec vero mihi oggeras, quod ignotum est, queri non posse, immo nec cognosci, etiamsi quis in illud incidat: nam id verum esse potest de eo, quod penitus est ignotum, non vero de eo, quod est notum virtute et implicite. Sic etiamsi non nossetes de facie servum, quem queritis, si tamen habetis signa, que eum proderent, eo ipso nossetes profecto illum virtute, et ex illis signis mox posses quoque illum querere ac deprehendere. Jam ergo in principiis virtute tenes conclusionem, illaque recte applicata monstrabunt latenter conclusionem. Adde, quod non semper rem, quam quis inventit, querat, sed non raro res non quiescit inveniuntur. Idque ipsum interdum ratiocinatis et studentibus usuvenit.

Ex quo etiam solutum manet id, quod ex comparatione finis et mediorum opponebatur. Finis enim non semper explicite cognoscendus est ad hoc, ut queri possit, mediaque apta ad illum inveniendum adhiberi. Sic ex generalibus dum taxat quibusdam indicis poteris terram fodere ad inveniendum thesaurum, quamvis nescias, qualis ille sit. Nec aliter, qui ratiocinatur sepe propositum sibi habet id, quod scire cupit, sub forma questionis v. g. utrum Deus sit eternus; utrum universale existat a parte rei: quæ rei cognitio sufficit, ut media vel principia apta querantur ad conclusionem obtinendam. Item si quis norit principia, certasque habeat rerum notiones, satis habet, ut illa comparet inter se, atque ad subjectam materiam applicet, et quid inde concludendum sit, possit judicare.

Objic. 2.^a Veritas æterna est, et ante nos cognoscebatur. Ergo nihil novi ratiocinatione cognoscitur.

(1) S. Thom., ib. fin., lect. 3. Cfr. Conimbric. loc. cit., *Præcipuum fundamentum Platonis*.

Resp. dist. antec. Veritas æterna est in mente Dei, *conc.*, in mente nostra, *neg.*

Dist. etiam *conseq.* Nihil novi, quod novum prorsus omni intellectui et incomptum sit, *conc.*, nihil novi, quod nobis, ac fortasse etiam omnibus hominibus, novum et incomptum sit, *neg.*

Objic. 3.^a Si quis puer vel rufus scite et ordinate interrogetur de principiis per se notis, ex quibus conclusio aliqua infertur, ac mox de ipsa conclusione, verum ad omnia respondebit. Atqui hoc signum est, quod rerum illarum omnium jam tenebatur prius notitia, quæ de novo per aptas illas interrogations excitatæ refricetur. Ergo (1).

Resp. trans. Major, *neg.* Minor. Sufficit enim notitia virtualis conclusionis in principiis ad hoc, ut hac recte proposita et applicata faciant cognoscere formaliter conclusionem. Apta vero interrogatio, quæ rudi aliqui a magistro facta fingitur in objectione, id præcise efficit, ut ob oculos ea omnia proponantur, quorum cognitio et attenta consideratio ad inferendam conclusionem, prius formaliter ignotam et solum virtute notam in principiis, adducat.

Objic. 4.^a Qui querit servum fugitivum, quem antea non noverat, etiamsi in illum incidat, non cognoscet illum. Ergo simili modo, si quis ante actum ratiocinii non cognoscit conclusionem, non poterit veritatem illius cognoscere.

Resp. Dist. antec. Nisi sciat certa signa, unde agnoscit servus possit, *trans.*, si sciat, *neg.*

Tum *neg.* *conseq.* et paritatem. Quia, quamvis servus non semper præ se ferat signa, ex quibus cognoscatur, at conclusio semper se manifeste prodit per principia. Positis enim aptis principiis, illico patet, quænam sequi debeat conclusio, secundum normas et fundamenta recte argumentationis. Cæterum sicut veritas primorum principiorum per se ipsa innotescit, ita veritas conclusionum lumine principiorum illustrata latere non potest.

Objic. 5.^a Qui cognoscit subjectum et prædictatum conclusionis, scit conclusionem. Atqui passim ante actum ratio-

(1) Cfr. S. Th., loc. cit., lect. 3, paragr. b.

cini cognoscimus subjectum et prædicatum conclusionis. Ergo saltem tunc nihil novi per ratiocinum scitur.

Resp. dist. Major. Si cognoscit insuper relationes, quæ inter subjectum et prædicatum intercedunt, *conc.*, secus *neg.*

Contradist. Minor. Quando conclusiones olim cognitas iterum novo ratiocinii actu revocamus, *trans.* Cum primum conclusionem ex premissis inferimus, *subdist.*; cognoscimus subjectum et prædicatum, et simul etiam relationes, quæ inter ipsa vigent, *neg.*; cognoscimus subjectum et prædicatum, quin tamen cognoscamus mutuas eorum relationes, *trans.*

Et *neg.*, *conseq.* (1)

CAPUT II.

DE DEMONSTRATIONE.

Argumentationem, spectata materia, soleme fuit priscis philosophis in *demonstrativam*, *probabilem seu dialecticam et sophisticam* dividere: argumentatio demonstrativa seu demonstratio versatur circa materiam certam ac necessariam, probabilis vel dialectica circa probabilem et contingente, sophistica demum circa illam, quæ nec certa nec probabilis est, licet talis appareat. Harum argumentationum præcipua demonstratio est, de qua proinde accuratius agere oportet, utpote quæ pars est scientiarum secundissima.

ARTICULUS I.

Quid sit demonstratio.

Duplex definitio demonstrationis:

234. Duplex desumitur ex Philosopho (2), demonstratio-
nis definitio, et communis commentatorum veterumque
Philosophorum calculo comprobatur. Altera petita ex fine,

(1) Plura dabunt Tongiorgi, loc. cit.; Conimbric., loc. cit.; Sylvester Mauri, *Quæstion Philos.*, tom. 1, quest. 66; Semery Trienn. *philosoph.*, vol. 1, disp. 7, quest. 4; Rhodes, loc. sup. cit.

(2) Lib. 1.^o *Posterior.*, cap. 2.

sic se habet: *demonstratio est syllogismus seu argumentatio faciens scire* (1). Quæ definitio ut melius intelligatur, notandum est in primis, id quod mox fusius dicetur, demonstrationem dividi in demonstrationem *propter quid* et demonstrationem *quia*. Illa ex causa proxima probat effectum, ut si eclipsim lunæ fore probetur ex interpositione terræ, vel hominem esse risibilem, quia est admirativus. Demonstratio *quia* e converso causam probat per effectum, vel etiam effectum per causam remotiorem; ut si Dei existentiam probes ex creaturis, vel hominis risibilitatem ex rationalitate.

Porro *scire* rem aliquam tunc propriæ dicimus, quando illam non quomodobet cognoscimus, sed certo et per suam causam proximam, quemadmodum mox amplius declarabitur, cum scientia definienda erit. Itaque cum Philosophus definit demonstrationem: *syllogismum facientem scire*; intellexit illam esse tamē argumentationem, quæ facit cognoscere rem per proximan ejus causam.

Hinc communissime Commentatores censem ab hac definitione demonstrationis excludi non solum opinionem, sed etiam omnem argumentationem *quia* et a posteriori, etiamsi certa sit atque evidens, solamque comprehendi argumentationem certam *propter quid* (2). Cum enim demonstratio *quia* non faciat perfecte rem cognoscere, imperfectior est, talisque, ut facile intelligi possit per analogiam ad demonstrationem *propter quid*.

Si quis vero mallet hac definitione complecti omnem demonstrationem, sive *propter quid*, sive *quia*; verbum *scire* latius deberet extendere ad significandam omnem prorsus certam cognitionem per discursum comparatam. Et tunc sensus definitio hic foret: *demonstratio est syllogismus, faciens rem certo cognoscere*.

Prima ergo hac definitio petitur ex causa finali.

(1) Vide S. Th. 1.^o *Posterior.*, lect. 4; Cajet., Sotum, Toletum, etc. in lib. 1.^{us} *Posterior.*, c. 2; Conimbric., ib. q. 2; Complut., *Logic.*, disp. 18; Rubium, ib. in Comment. et q. 1; Alamanni, *Prim. part.* q. 24, a. 1.

(2) Vide Rubium et Complutens., loc. cit., Conimbric., ib. q. 2, a. 1; Dominic. Sot. 1.^o *Posterior.*, cap. 2, q. 2, ad 2.^{us} *principale*; Joann. a S. Th. *Logic.*, q. 25, a. 1.

Atera desumpta
ex causa ma-
teriali:

Hinc aliam infert Aristoteles definitionem per causam materialem, quæ definitio declarat, qualibus præmissis constare demonstratio debeat. «Definitio enim per causam finalem, quæ est causa extrinseca, est ratio definitionis per causam materiam et formalem, quæ sunt cause intrinsecæ, et est medium probans talen definitionem. Ex. gr. ex eo, quod serra sit instrumentum aptum ad secandum, quæ est definitio serræ per causam finalem, infertur, quod serra est ferrum dentatum, quæ est definitio per causam materiale et formalem» (1).

Altera itaque definitio petita ex materia hæc est: demonstratio est syllogismus vel argumentatio procedens ex veris, primitis et immediatis, notioribus, prioribus causisque conclusionis.

declaratur.

Primo demonstratio debet constare ex præmissis veris. Quia scientia non est nisi de vero, cum falsum sciri nequeat. Atqui demonstratio est argumentatio faciens scire. Ergo demonstratio facit habere cognitionem veram. At vero cognitio causari per se nequit nisi ex principio veris, nam solum per accidens verum sequi ex falso potest. Ergo...

Deinde constare debet ex propositionibus *primitis* sive *immediatis*: quæ duæ voces idem valent re ipsa, ponuntur autem a Philosopho, ut notat Angelicus (2) ad designandos duos respectus, sub quibus eadem propositione dici potest *prima* et *immediata*; *prima* nempe comparatione aliarum, quæ per ipsam probantur, et *immediata*, quia caret medio, ac proinde non habet aliam priorem propositionem, per quam demonstretur. Perinde ergo est demonstrationem constare ex *primitis* sive *immediatis*, ac constare ex præmissis *indemonstrabilibus*.

Demonstratio autem constare debet ex præmissis *primitis* seu *immediatis* vel *indemonstrabilibus*, non quod nulla possit esse demonstratio; qua fiat per præmissas ulterius demonstrabiles, nam sepe instituuntur hujusmodi demonstrationes in scientiis; sed quia demonstratio perfecta nequit esse, donec ad *prima* et *immediata* seu *indemonstrabilia* principia deve niatur. Sic si hominem demonstres risibilem esse, quia est

admirativus, veram quidem demonstrationem institui, non tamen perfectam, nisi rationem etiam reddas, cur homo sit admirativus, nempe quia rationalis est. Et sic fit, ut demonstratio debeat esse ex primis et immediatis, quia vel proxime vel immediate deveniendum est ad *indemonstrabilia*. Ratio vero in comperto est, quia conclusio sciri demonstratione non potest, nisi scientur præmissæ; præmissæ vero si sint demonstrabiles non possunt sciri, nisi et ipsæ demonstrentur, et ita porro, donec tandem veniatur ad *indemonstrabilia* principia, quæ ex ipsis terminis perfecte cognoscuntur.

Præterea demonstratio fit ex *notioribus*, *el prioribus causisque conclusionis*. Ex causis quidem, quia finis demonstrationis est scire, non autem res scitur, donec causæ ejus sciantur, ut magis declarabitur, cum de scientia sermo erit. Oportet itaque demonstrationem procedere ex iis, quæ sunt cause rei demonstranda.

Hic autem nota, aliquid posse esse causam alterius vel in essendo, quia dat esse illi, vel in cognoscendo, quia nempe facit illud cognoscere. Et præmissæ quidem semper sunt causa conclusionis, saltem in cognoscendo, non tamen semper sunt causa conclusionis in essendo, sed solum in demonstratione propter quid et a priori, quia solum in hujusmodi demonstratione objectum præmissarum continet causam objecti conclusionis. Et quoniam Aristoteles, ut supra monuimus, cum suis Commentatoribus, hic potissimum definire voluit demonstrationem *propter quid*, particulariter illa *ex causis*, intelligenda est non solum de causis in cognoscendo, sed de causis tum in cognoscendo tum in essendo, ut sensus definitionis sit hic, demonstrationem procedere debere ex cognitione illius, quod est causa, ad cognitionem illius, quod est effectus.

Illud etiam nota *causam* his sumendam esse sive formaliter sive etiam virtualiter pro eo nempe, quod vel est vere ac formaliter causa, vel solum virtualiter, id est, se habens instar causæ. Porro causa formaliter sumpta hic est illa, a qua vere producitur aliquid sive per realem actionem sive per emanationem. Causa vero virtualis illud, a quo revera non fluit aliud, aut dependet in esse, quia idem realiter est cum eo, nihilominus apprehenditur ut radix alterius, quod proinde concipitur ut dependens ab illo et subordinatum eidem.

(1) Sylvestr. Maur., *Paraphras. Opp. Arist. 1.^a Posterior.*, cap. 2.

(2) 1.^a Posterior., lect. 4. *Concludit ex predictis definitionem.*

Hoc modo immortalitas licet re idem sit cum spiritualitate, atque adeo non procedat ab ea secundum realem ac formalem causalitatem, distinguitur tamen ratione atque apprehenditur ut habens rationem ac radicem in ea, probarique proinde potest per illam demonstrationem propter quid, quia spiritualitas est causa virtualis immortalitatis. Et ob hanc causam divina attributa probantur alia ex aliis hoc genere demonstrationis, licet nulla inter ea intercedat realis distinctio vel causalitas. Itaque, cum demonstratio dicitur fieri ex causis, intelligendum id est de causis, quae sint sive formaliter sive virtualiter tales (1).

Hinc jam satis innoscit demonstrationem fieri ex *prioribus*, nec solum ex prioribus *quoad nostram cognitionem*, quomodo omnis demonstratio et argumentatio fit ex prioribus, etiam si effectibus causa probetur, sed etiam ex prioribus *secundum naturam*, seu *quoad rem ipsam*; siquidem causae priores sunt effectibus. Si ergo demonstratio fit ex causis, eo ipso ex prioribus fiat, necesse est.

Denum demonstratio fit ex *notioribus*, et quidem notioribus secundum naturam, quales sunt cause respectu effectuum. Nam effectus, sicut a causis participant esse, ita etiam suam intelligibilitatem et cognoscibilitatem. Illud autem, quod alteri tribuit cognoscibilitatem, notius illo per se ac natura sua est, licet sepe ob imbecillitatem ingenii nostri eveniat, ut quae secundum se notiora sunt, minus nota sint nobis (2).

Et confirmatur quia præmissæ vel sunt propositiones immediate, vel mediatae. Si per se patet illas esse notiores conclusione. Si vero sint mediatae, debent etiam esse notiores. Nam generatim id, unde aliquid participat cognoscibilitatem suam, notius illo est. Atqui conclusio participat cognoscibilitatem suam a præmissis, ut pote quæ illam manifestant. Ergo...

Quæ ratio proportione applicari potest etiam ad præmissas demonstrationis minus perfectæ, quæ fit a posteriori. Omnis

(1) Vide Conimbric., lib. 1.^{us} *Posterior.*, cap. 2, quæst. 1, art. 2, *In secundo est gravis contentio...* Suarez, disp. 1, *Metaphys.*, sect. 5, n. 38.

(2) Vide Conimbric., in lib. 1.^{us} *Posterior.*, cap. 2, quæst. 2, art. 5.

enim demonstratio, licet fiat ex iis, quæ secundum se sunt minus nota, necesse est, ut procedat ex notioribus *hic et nunc nobis*, quandoquidem conclusio, utpote qua ex præmissis insertur, ex iisdem cognoscenda est, atque adeo etiam secundum suam naturam notior sit præmissis, tamen quatenus conclusio est, necessario derivat cognoscibilitatem suam ex illis.

Jam rectitudo harum definitionum constat in primis ex communi consensu Peripateticorum. Probari autem potest præterea rectitudo primæ, quia scire est per demonstrationem intelligere, ut inferius explicabitur. Ergo demonstratio est syllogismus scientialis, seu faciens scire, vel est syllogismus, quem, cum habemus, eo ipso scimus id, quod per talen syllogismum concludimus et probamus (1).

Secunda vero definitio probatur ex prima hoc modo. Demonstratio est syllogismus vel argumentatio faciens scire. Sed nullus syllogismus potest causare scientiam, nisi constet ex propositionibus veris, primis, immediatis, prioribus, notioribus causisque conclusionis. Ergo demonstratio est syllogismus constans ex propositionibus veris etc. Adeoque syllogismus carens prædictis conditionibus, poterit quidem esse argumentatio, non vero demonstratio.

Minor constat ex declaratione prædictarum conditionum, supposito quod scientia, ut mox dicetur, est cognitio certa et evidens rei per causam necessariam et immediatam (2).

Ceterum concedi potest has conditiones revocari commode posse ad tres, nempe ut demonstratio fiat: a) ex *præmissis veris*; b) ex *immediatis seu indemonstrabilibus a priori*; si vero sint tales, eo ipso erunt quoque primæ; γ) ex *causis conclusionis*; in qua conditione jam implicite continentur, quod præmissæ sint *priores ac notiores*, causa siquidem prior est natura, quam effectus, et est etiam notior, «quatenus illa dicuntur notiora, in quibus fundari debet exacta cognitio rerum aliarum, quas accurate et radiciter scire volumus» (3).

(1) Vide Mauri, *Paraphras. Aristot.* 1.^{us} *Posterior.*, cap. 1, *Quod secundum.*

(2) Cf. Mauri, ibid., *Probat Aristoteles*; Alamanii, *Prim. part.*, q. 24, art. 1.

(3) Lossada, *Logic.*, tract. 6, disp. 2, cap. 2, n. 1.

Hactenus expositæ conditions ex communissimo inter pretum consensu, convenient, ut jam monuimus, proprie solum demonstrationi *propter quid*. Si quis tamen velit illa, extendere aliquo modo etiam ad demonstrationem *quia dicitur* potest, quod omnis demonstratio etiam a posteriori constare debet primum ex præmissis evidenter *veris*: deinde ex *immediatis*, vel indemonstrabilibus, saltem virtualiter seu ex non indigentia, quatenus præmissæ evidentes, undecumque tales evadant, non indigent hic et nunc novo medio, ut evidentiæ contineant, et refundere possint in conclusionem. Demum ex *causis conclusionis*, quæ sint causæ saltem in cognoscendo, licet non semper in essendo; ita scilicet ut objectum præmissarum, quamvis non sit causa nec radix objecti conclusionis, sit tamen titulo necessarie connexionis efficax motivum et ratio, cur assentiamur conclusionis objecto» (1).

SOLVUNTUR DIFFICULTATES.

235. Objic. 1.^o Unius rei non est nisi una definitio, docente Philosopho (2). Ergo alterutra ex assignatis definitionibus rejicienda est.

Resp. dist. Major. Objectiva, *conc.*, formalis, *subdist.*; si ex eodem capite petatur, *conc.*, si ex diversis, *neg.* Et *neg.* *conseq.*

Conceptus objectivus rei unus est, quocumque tandem modo exprimatur, quia res ipsa per definitionem declaranda una est. Nihil tamen vetat, quominus declaratio illa ex diversis capitibus petatur, ut in casu nostro. Nam prima definitio explicit demonstrationem per ordinem ad finem, vel si mavis, per ordinem ad effectum formalem; altera vero per ordinem ad causam materialem (3).

Objic. 2.^o Verum potest concludi ex falsis, ut dicit Philosophus (4). Necesse ergo non est, ut demonstratio procedere debeat ex veris (5).

(1) Lossada, *Logic.*, tract. 6, disp. 2, cap. 2, n. 6.

(2) Apud Alamanni, Prim. part. q. 24, art. 1, arg. 1.

(3) Clr. Alamanni, ibid. ad 1.^{us}

(4) 1.^o *Posterior.*, text. 17.

(5) Apud Alam., loc. cit., arg. 2.

Resp. licet verum possit *concludi* ex falsis, non tamen potest *sciri* ex falsis. Cum itaque demonstratio sit syllogismus faciens *scire*, non potest procedere nisi ex veris (1).

Objic. 3.^o Idem est demonstrationem debere esse ex pri mis, ac ex prioribus. Ergo in secunda definitione redundat alterutra ex his vocibus (2).

Resp. dist. antec.; quoad rem ipsam, *conc.*, quoad respectum, *neg.*, et *neg. consequ.*

Etenim «propositiones demonstrationis propter quid dicuntur primæ in ordine ad alias, per quas probari possint, ut dictum est, et dicuntur priores in ordine ad conclusionem, nam propositiones continent causam, conclusio effectum, quo prior semper est secundum naturam causa» (3).

Objic. 4.^o Ab Aristotele definitur demonstratio *syllogismus* faciens *scire*. Atqui videtur etiam enthymema posse eadem virtute pollere, ut nempe faciat *scire*. Ergo perperam demonstratio definitur eo modo.

Resp. dist. Minor. Si subintelligatur propositio, quæ in enthymemate reticetur, *conc.*, secus, *neg.* Nisi enim reducatur ad formam syllogisticam, supponendo unam ex præmissis, aptum quidem esse poterit ad aliquem assensum probabilem generandum, non vero ad generandum assensum certum atque evidenter, atque adeo scientiam, quia una tantum propositio in antecedenti expressa non sufficit ad ostendendam identitatem vel repugnantiam extremonrum in conclusione (4).

Objic. 5.^o Demonstratio dicitur fieri ex notioribus. Atqui hoc esse nequit. Nam a) Præmissæ dicuntur notiores, vel quia veriores, vel quia certiores. Non primum, quia veritas est in indivisibili, nec admittit magis et minus. Non secundum, quia præmissæ sunt cause naturales, et prout tales influunt in conclusionem: ergo totam suam perfectionem certitudinis illi communicent necesse est, præsertim cum con-

(1) Cfr. Alaman. ib. ad 2.^{us} Vide *Summa*, *totius Log. Arist.* tract. 9, cap. 3.

(2) Apud Alam., loc. cit. arg. 7.^o

(3) Alamanni ad 7.^{us}

(4) Cfr. Conimbric., lib. 1.^o *Posterior.*, cap. 2, q. 2, art. 1; Joann. a S. Th., *Logic.*, q. 25, a. 1.

clusio, saltem quandoque, re non differat a præmissis. 3) Præterea in conclusione theologica fluenti ex una præmissa de Fide et altera naturali, adest major certitudo, quam in præmissa naturali. Potest ergo conclusio superare alteram de præmissis in certitudine. Quidni utramque?

Resp. neg. Minor.

Ad probation. 2) in primis negari posset disjunctio addendo tertium membrum, nempe quod præmissae dicantur notiores, quia evidentiores. Necesse proinde non est ex eō, quod præmissæ sint notiores, ut sint quoque veriores aut certiores.

Cæterum neque etiam debent esse præmissæ notiores conclusione, quatenus habeant evidentiam majorem, secundum perfectionem specificam, sed sufficit, ut intra eamdem speciem evidentiarum præmissæ superent conclusionem, saltem in aliquo gradu intensitatis. Siquidem ex duabus præmissis metaphysice evidentibus, procul dubio sequitur conclusio etiam metaphysice evidens.

Deinde ad primum membrum probationis respondeo veritatem quidem formaliter sumptam sitam esse in indivisibili, nempe quatenus importat formalem rationem adæquationis; si vero consideretur ex parte fundamenti, prout importat majorem vel minorem firmitatem atque immutabilitatem adæquationis, non consistit in indivisibili; sed capax graduum est, et suscipere potest magis et minus. Et hoc modo verius est *Deum esse*, quam *me sedere nunc*. Et sic etiam nihil vetat præmissas esse veriores, id est firmiores secundum veritatem aut certiores conclusione, saltem quatenus hæc ab illis suam mutuantur veritatem et firmitatem, quam servare nequeunt nisi dependenter a veritate et firmitate præmissarum.

Adde, quod sæpe conclusio physica dumtaxat gaudet certitudine, dum alterutra præmissa metaphysicam certitudinem habet, nempe si conclusio inferatur ex altera præmissa metaphysica et altera physica. Pateor, quando utraque præmissa est metaphysicæ certitudinis, eamdem quoque esse conclusionis certitudinem; nihilominus etiam tunc in aliquo sensu dici possunt præmissæ veriores fundamentaliter seu certiores conclusione, quatenus illa non nisi dependenter ab iis suam retineat firmitatem ac veritatem.

Ad alterum membrum respondeo causam quidem naturalem, si univoca sit, posse tribuire effectui totam suam perfectionem, at non si æquivoca sit. Jam vero præmissæ sunt causeæ non univocæ, sed æquivocæ, respectu conclusionis, ut jam monuimus in precedenti capite.

Quamvis autem «conclusio identificetur aliquando cum præmissis ex parte cognitæ quantum ad entitatem, et sic sit ejusdem certitudinis identice, tamen in ratione veritatis est diversa; et quia una se habet ut illata et illuminata, alia ut illuminans, hæc, saltem quoad nos, debet esse notior» (1).

Ad 3): in discursu Theologico non est conclusio notior in sensu proprio, nempe evidentior, sed solum certior præmissa naturali, si haec seorsim sumatur. «Si autem consideretur ut elevata et conjuncta præmissæ de Fide, sic illa conjunctio præmissarum est certior conclusione illata. Comparatio autem inter conclusionem et præmissam non debet fieri respectu unius præmissæ tantum solitarie sumptæ, sed ut præmissa est formaliter, id est, conjuncta alteri præmissæ, unde desumitur tota et integra ratio inferendi. Et sic est certior conclusione theologica præmissa naturalis, ut conjuncta præmissæ de fide» (2).

ARTICULUS II.

Utrum demonstratio debeat procedere ex præmissis necessariis, et de prædicato de omni, per se ac secundum quod ipsum itemque ex propriis.

236. Expositis conditionibus essentialibus demonstratio- nis in articulo precedenti, expendenda sunt aliae, quas Philosophus addidit ad rem amplius declarandam; neque enim parum utilitatis afferre illarum tractatio poterit. Semper tamen meminisse oportet Aristotelem in assignandis hisce conditionibus habuisse præ oculis demonstrationem *proper quid*.

(1) Joann. a S. Th., *Logic.*, q. 25, art. 1, vers. fin., *Ad secundum respondetur...*

(2) Joann. a S. Th., loc. cit., ubi plura videri possunt.

Premissæ
debet esse
necessariae.

Primo itaque præmissæ in demonstratione oportet, ut sint necessariae. Nam finis demonstrationis est *scire*. Sed quod *scitur* aliter esse non potest, seu necessario ita est. Ergo conclusio demonstrationis necessaria est. Atqui conclusio *sciri* nequit nisi ex præmissis seu principiis necessariis. Ergo...

Minor subsumpta patet, quia licet necessarium quandoque possit *inferri* per accidens ex contingentí, ut in Dialectica docuimus, at *sciri* non potest ex contingentibus. Non enim *scitur* proprie, ut jam exponemus infra, nisi quando cognoscitur causa rei. At conclusionis necessariae causa contingens esse non potest. Ergo impossibile est conclusionem necessariam sciri ex causa seu præmissis contingentibus (1). Et hæc est doctrina communissima veterum contra paucos. Lege Auctorem *Summae totius Logicae* Aristotelis (2).

Existimo tamen non omnem demonstrationem veram debere constare præcisè præmissis necessariis absolute ac metaphysice, sed posse etiam constare præmissis hypothetice solum ac physice necessariis. Et sic forte in concordiam cum communi aliquorum sententia revocari poterunt quidam recentiores (3), existimantes posse etiam ex præmissis contingentibus confici demonstrationem. Nam exempla, quæ in confirmationem suæ doctrinæ producunt, non continent revera præmissas prorsus contingentes, sed contingentes quidem metaphysice atque absolute, sed necessarias physice et hypotheticæ (4).

Secundo demonstratio constare debet præmissis habentibus prædicatum α) de omni; β) per se, et γ) secundum quod ipsum seu de prædicato universali.

237. Prius autem quam id probetur, declarandæ sunt hæc voces.

(1) Vide S. Th., 1.^{.*} *Posterior*, lect. 9 initio, et lect. 13 ante med., cum Aristotele ib. Cfr. Conimbric., in lib. 1.^{um} *Posterior*, cap. 5, 7, q. 1, a. 1; Tolet. Rub. etc. ib.

(2) Tract. 9, cap. 3.

(3) Vide apud Soarez, *Logic.*, tract. 8, disp. 1, sect. 5 ad 27.

(4) Cfr. Lossada, v. g. *Logic.*, tract. 6, disp. 2, cap. 2, n. 12, cap. 4, n. 6, 11; et Rubius, in lib. 1.^{.*} *Posterior*, cap. 4, q. 1, in argumentis et solutionibus; Joann. a S. Thom., *Logic.*, quest. 25, art. 2; Soarez, *Logic.*, tract. 8, disp. 3, sect. 5, n. 127 seqq.

Ceteræ
conditiones,
declarantur.

Quid
sit propositi
tibus
predicatum
de omni.

a) *Propositio de prædicato de omni* dicitur propositio, in qua nihil est sumere sub subjecto, de quo non dicatur prædicatum, et quidem pro omni tempore; nempe est proposicio, in qua prædicatum cum veritate convenit omnibus et singulis inferioribus subjecti et semper, ut hæc: *Homo est rationalis*; vel *Animal est substantia*; animalitas enim vere convenit omni individuo speciei humanae et quidem semper, et similiter substantia prædicari semper cum veritate potest de quovis animali (1).

Cæterum notant interpres ad propositiones de prædicato de omni revocari posse propositiones negativas de *nullo*, licet illas non expresserit Stagirita: nam præmissæ negativæ tales esse debent, ut nihil infra earum subjectum sumi possit, a quo non sit removendum prædicatum pro omni tempore, ut contingit in hac: *Nullus lapis est vivens*.

Illiud etiam nota prædicatum de *omni* posse sumi non solum *positive*, quando nempe subjectum est terminus communis plura continens inferiora sub sua extensione, sed etiam *negative*, quando videlicet subjectum est terminus singularis, saltem si sit individuum aliquod immultiplicabile in sua specie, ut in hac: *Deus est ens a se*. Nam etiam tunc revera nihil est

(1) Vide *Summa totius Logicae* Aristot., tract. 9, cap. 2.

Ad intelligentiam veterum scriptorum nota duplex distingui prædicatum de *omni*, aliud *prioristicum*, aliud *posterioristicum*. Prioristicum est prædicatum attributum subjecto secundum totam suam extensionem ac temporis durationem, *præscindendo ab eo, quod vere vel falso attribuiatur sub ea universalitate*. Posterioristicum autem est prædicatum, quod vere attribuiatur subjecto, secundum totam suam extensionem præ quavis duratione. Ratio appellationis ac diversitatis hujus ex eius petitur, quod Aristoteles tum in libris *Priorum Analyticorum*, tum in libris *Posteriorum*, locutus fuerit de hujusmodi propositionibus universalibus de *omni*. Sed quoniam in libris *Priorum* solum intendit exponere formam syllogismi, in qua non expectatur veritas, sed apta dumtaxat dispositio terminorum ad recte concludendum, solam respexit universalitatem, præscindendo a veritate. Secus in libris *Posteriorum*, in quibus quia agitur de resolutione scientie in sua principia ac de demonstratione, præscindere non potuit a veritate in propositionibus de omnibus, nam scientia et demonstratio veritatem essentialiter postulante. Vide S. Thomam, Lib. 1.^{.*} *Posterior*, lect. 9; Albertum M., Sotum, Toletum, Conimbric., Rubium etc. hic in esp. 4, lib. 1 *Posterior*.

Quid
sit propositio de
predicato
per se.
Primus
modus dicendi
per se.

sumere sub subjecto, cui non conveniat tale praedicatum. Et aliunde nihil vetat, quominus possint esse scientificæ atque aptæ ad conficiendas veras demonstrationes propositiones quedam de subjecto singulari, iisque plenæ sunt demonstrationes Theologæ sive naturalis sive supernaturalis (1). In aliis vero propositionibus, quarum subjectum singulare habeat, vel certe habere possit alia individua sibi similia intra eamdem speciem, quales sunt istæ, v. g.: *Socrates est homo, Petrus est risibilis* etc., videtur non valere haec doctrina; primo quin revera istæ propositiones non sunt demonstrativaæ ac scientificæ, cum scientia non sit de singularibus; deinde quia non eadem viget in illis ratio. In Deo enim, cum idem sit natura et individualis differentia, quidquid de ipso predicatur, essentialiter predicatur, et ipsam naturam respicit; et sic propositiones, quæ de Deo formantur, quatenus. Deus per rationem cognosci potest, æquivalent universalibus, vel virtute universales sunt, quia essentiales sunt; quia si per impossibile plura essent individua illius speciei, omnibus illis convenienter eadem predicata. At vero e converso, innumera sunt predicata, quæ convenient singularibus aliis, in quibus differentia individualis non est de ipsa essentia nature specificæ, que non convenient alii individui similibus, illa nempe quæ sequuntur individualem cujusque differentiam (2).

(1) Ut quenam sit propositio de predicato per se innotescat, notandum est ex Aristotele (3), quatuor modis posse aliquid dici per se. Primus modus dicendi per se est ille, in quo praedicatum est de intrinseca et essentiali ratione subjecti, ac proinde pertinet ad ejus definitionem, non tanquam additamentum aut terminus connexionis, sed tanquam tota quidditas, aut pars quidditatis, vel tamquam quid formaliter imbi-

(1) Vide Rubrum hic cap. 4, q. 2, n. 15; Conimbric., ib. q. 1, a. 1, ubi licet oppositum prius defendant, permittunt tamen in fine hanc doctrinam, camque tuendi etiam modum proponunt. Cfr. Lossada, loc. cit., cap. 2, n. 8; Rhodes, *Logic.*, lib. 1, disp. 5, quæst. unic. sect. 6, paragr. 3, in fine, *Dico secundo*.

(2) Vide Rub., loc. cit., q. 2, n. 15.

(3) Lib. 1.^o *Posterior.*, cap. 4. Vide S. Thom., lib. 1.^o *Posterior.* *Analyt.*, lect. 10; *Summ. totius Log.*, Arist., tract. 9, cap. 2.

bitum in aliqua parte essentiali (1). Ut si dicas: *Homo est animal rationale, vel rationalis, vel animal vivens, substantia, ens.*

Secundus modus dicendi per se est ille, in quo subjectum ponitur in definitione praedicati, utpote habens cum hoc necessariam connexionem, ut si sic enunties: *Homo est risibilis;* nam risibile si definire velis, dices esse hominem aptum ad ridendum; vel si mavis, secundus modus dicendi per se obtinet, quando praedicatum est propria passio subjecti (2); proprietas enim, licet sit extra essentiam subjecti, ex ea tamen necessaria sequitur, tanquam id, sine quo saltem naturaliter essentia subjecti esse nequit, cui proinde per se convenit.

Tertius modus dicendi per se assignatus a Philosopho non respicit predicationem, sed existentiam tantummodo, nempe non est modus aliquis per se *praedicandi*, sed est modus per se *essendi*. Tertius ergo modus dicendi per se convenit substantiæ, prout distinguitur ab accidenti, et idem valet ac non esse in alio.

Quartus denique modus dicendi per se est, cum subjectum est causa per se praedicati, ut si dicatur: *Jugulatus moritur: medicus medetur: Citharædus pulsat* etc. Nam *jugulatio* est causa mortis, et *medicus* medicationis, et *citharædus* pulsationis scitæ factæ. E converso esset praedicatio per accidens, si diceretur: *Medicus citharæcat, aut citharædus medetur*, nam per accidens spectat ad *medicum citharizare*, cum non possit citharizare qua *medicus*, sed qua *citharædus*.

Quare ex quatuor istis modis per se, duo priores dumtaxat exprimunt per se etatem predicationis; tertius vero per se etatem essendi, et quartus per se etatem causandi.

Unum forte queres, utrum nempe dicenda sint per se propositiones indirecte, ut: *Omne risibile est homo, et similes;* nam videtur his quoque convenire definitio primi modi dicendi per se, siquidem praedicatum *homo* est pars definitionis subjecti *risibile*. Cajetanus apud Rubrum (3) affirmit. Alii

secundus,

tertius,

quartus.

(1) Vide Lossada, loc. cit. n. 9, et generatim AA. antiquos.

(2) Vide Auctor. *Summ. totius Logic.*, Aristot. tract. 9, cap. 2. Cfr. ib. tract. 1, cap. 6; et Auctores antiquos passim.

(3) Vide Rubrum, lib. 1 *Posterior.*, cap. 4, q. 2.

Quid
sit propositione
de
predicato uni-
versali;

et secundum
quod ipsum.

vero negant ullam propositionem indirectam esse per se, aut ex ea fieri posse demonstrationem, cum careat modo naturali propositionum, in quibus prædicatum exprimit modum formæ, subjectum vero modum materiæ, subjectantis formam.

Definitio ergo Aristotelica modorum dicendi per se supponit propositiones esse directas constructasque modo naturali, ac proinde indirecte, utcumque similitudinem habeant cum propositionibus de predicato per se, non tamen sunt tales.

γ) Denique prædicatum universale, seu universaliter dictum, prout hic sumitur, est id, quod prædicatur de omni, per se et secundum quod ipsum. In qua descriptione patent ex dictis duas priores particulae; sed circa tertie interpretationem non una est auctorum sententia. Nam Themistius et Versa ac Ferrarensis (1), apud Conimbricenses (2), arbitrantur dici vel prædicari universaliter seu secundum quod ipsum, perinde esse ac convenire subiecto per se. Alii vero cum S. Thoma (3), Böetio, Alberto et Cajetano (4), Toleto (5), Dominico Soto (6), Conimbricensibus (7), Rubio (8), Complutensibus (9), aliisque censem universaliter vel secundum quod ipsum dici aliquid addere supra dici de omni ac per se, idemque valere ac prædicari primo, ut ait Philosophus, id est, convertibiliter, quemadmodum interpretatur Böetius, et sequuntur plurimi alii, quibusdam tamen reclamantibus (10). Itaque secundum hanc interpretationem prædicatum secundum quod ipsum seu universale, est prædicatum de omni et per se, quod convenient subiecto, prout tale est, ac proinde cum eo convertitur seu reciprocatur. Hujusmodi prædicatum universale habent propositiones, in quibus prædicatur tota definitio de definito, vel etiam differentia speci-

(1) In lib. 2.^{us} *Contr. Gent.*, cap. 15.

(2) 1.^o *Poster.*, cap. 4, q. 1, a. 4.

(3) In lib. 1.^{us} *Poster.*, lect. 11, et 2.^o *Contr. Gent.*, cap. 15 initio.

(4) Apud Conimbr.

(5) Lib. 1. *Poster.*, cap. 4.

(6) Ibid.

(7) Loc. cit.

(8) Ib. lib. 1.^o *Poster.*, cap. 4, q. 3.

(9) Complutens., *Log.*, disp. 18, q. 2, n. 21.

(10) Vide apud Conimbricens., loc. cit.

fica de specie, vel passio seu proprietas de specie vel genere, a quo proxime et adæquate procedit (1). Et hæc est expressa sententia etiam Auctoris *Summe totius Logica Aristotelis* (2).

Quæ cum ita sint, tria hæc prædicta de omni, per se, et secundum quod ipsum comparantur inter se sicut superiora ad inferiora, ita ut prædicatum de omni latius pateat, quam prædicatum per se, et hæc duo quam prædicatum universale seu secundum quod ipsum. Nam omne prædicatum universale est quoque per se et de omni, sed non e converso; itemque omne per se est etiam de omni, non autem e converso (3). Potest nempe prædicatum de omni (saltē si sit prioristicum) esse accidentalē, ut in hac propositione: *Omnis homo ambulat*, et tunc certe non est per se, et potest similiter prædicatum esse per se et non universale, ut accidit in hac propositione: *Omnis homo est sensibilis: Triangulus isosceles habet tres angulos æquales duobus rectis*. Nam neque homo est sensibilis quatenus homo, sed quatenus animal, ideoque homo et sensibile non convertuntur; neque isosceles habet tres angulos æquales duobus rectis, ex eo quod isosceles est, sed ex eo quod est triangulus (4). Hisce præstitutis

Dicendum cum Aristotele est omnem demonstratiōnem, saltē propter quid, debere constare præmissis habentibus prædicatum α) de omni et β) per se; at non omnem demonstrationem etiam propter quid, sed solum eam, qua potissima vocatur, constare debet præmissis de prædicato universali.

Probabant duæ priores partes α) et β). Etenim omnis demonstratio debet constare præmissis necessariis. Atqui omnis dispositio necessaria est in aliquo duorum modorum priorum dicendi per se. Ergo præmissa demonstrationis debent constare prædicatis per se. At omnis dispositio de prædicato per se est etiam de omni. Ergo...

Probatur tertia pars γ). In primis demonstratio potissima debet habere prædicatum universale. Nam ea dicitur

(1) Vide Rubium, loc. cit. q. 3.

(2) Tract. 9, cap. 2, fin.

(3) Vide *Summ. totius Logicæ Aristot.*, loc. nup. cit.

(4) Vide contrariam opinionem bene refutatam apud Rubium et Conimbricens., loc. cit.

Quomodo
inter se com-
parantur prædi-
catum de omni,
prædicatum
per se et
prædicatum
secundum quod
ipsum.

Probatur
jam in de-
monstracione
præmissa
debere habere
prædicatum
de omni, per
se et secundum
quod ipsum.

demonstratio *potissima*, in qua prima passio probatur de subiecto proprio, ostendendo propter quid ei conveniat talis passio. Atqui et propria passio et id, unde propria passio fluit, nempe specifica differentia, sunt praedicata universalia, ut constat ex præmissa terminorum declaratione. Ergo...

At vero in aliis demonstrationibus imperfectioribus non est necesse utramque præmissam esse de praedicato universalis. Res patet exemplis, ut si velis passionem propriam generis probare de specie, vel speciei de individuo v. g.: *Omnis triangulus habet tres angulos aquales duobus rectis.* Atqui *isoscelis est triangulus.* Ergo *habet tres angulos etc.* Vel si ita demonstres passionem generis de alio genere altiori particulariter sumpto: *Omnis triangulus habet tres angulos aquales duobus rectis.* Sed *omnis triangulus est figura.* Ergo aliqua figura *habet tres angulos etc.* Istæ demonstrationes, ut vides, habent Minorem, quæ non est de praedicato universalis. Quamobrem perfectione est demonstratio concludens propriam passionem de pædicato adæquato, quam quævis alia.

Demonstratio
fieri debet
ex propriis.

238. Denique restat inquirendum an demonstratio **debet esse ex propriis**, quemadmodum præcipit Aristoteles (1).

Proprium porro bifariam sumi potest, vel quatenus opponitur alieno seu extraneo, vel quatenus opponitur communi.

Jam quod demonstratio **debet procedere ex propriis** in primo sensu, nempe ex non extraneis, patet ex superiori dictis. Si enim demonstratio est ex iis quæ, *per se sunt*, ut probavimus, plane conficitur non posse fieri ex alienis.

Accedit quod omnis scientia suum habeat peculiare objectum, extra quod egredi non licet. At egredetur extra suum objectum, si præmissis uteretur alienis et expectantibus ad aliam materiam, nullamque habentibus connexionem cum re demonstranda.

Denique ex extraneis non potest sciri, *cur res ita sit*, esto sciri possit rem *ita esse*. Demonstratio vero cum causet scientiam, debet ostendere quare res ita sit, saltem si sermo sit de demonstratione perfectæ et propter quid.

Nota autem, si res agatur de scientiis subalternis, posse subalternatam demonstrare suas conclusiones ex objecto sub-

(1) Lib. 1.^a Posterior., cap. 7.

alternantis, utpote quod nequit dici penitus extraneum scientiam subalternam (1).

Deinde licet dentur axiomata pluribus scientiis communia, tamen debent etiam singulis inesse principia et præmissas proprias, saltem in demonstrationibus propter quid. Quia si ad rem probandam afferantur ea, quæ alii quoque conveniunt, nequit redi ratio, cur illa res talis sit (2). Proinde non potest fieri hujusmodi demonstratio ex communibus.

ARTICULUS III.

Quotuplex sit demonstratio

239. Primo dividi potest in demonstrationem *a priori* et *a posteriori*. Prima assumit pro medio causam rei sive *formalem* aut *physicam*, sive *virtualē* aut *metaphysicam*, ad probandum effectum vel proprietatem. Ut si probes *risibilitatem* hominis *ex admirativo*, vel *admirativum ex rationali*. Demonstratio *a posteriori*, quæ etiam *a signo* dicitur (3), est illa, quæ assumit pro medio effectum aut proprietatem ad causam vel essentiam rei demonstrandam.

Aliam speciem quidam interserunt inter has duas medianam, demonstrationem nimirum *a concomitante*, in qua res probatur per medium, quod, licet nec causa sit nec effectus illius, intimam tamen habent cum ea connexionem: ut si hominem *risibilem* esse demonstrares, ex eo quod sit *flebilis*, vel si ex duratione rei in *tempore* concludas existentiam ejusdem *in loco* (4).

Demonstratio
a priori

et a posteriori,
que etiam
a signo dicitur.

Demonstratio
a concomitante.

(1) Vide *Summ. totius Logice Aristotelis*, tract. 9, cap. 6.

(2) Vide *Complutens.*, *Logic.*, disp. 18, quest. 2, paragr. 3; et alios priscos auctores.

(3) Vide S. Th. 4.^o dist. 1.^a, q. 1, a. 1, solution. 1, ad 5.^{um} Nihilominus non penitus idem esse videtur demonstratio a signo et demonstratio ab effectu; sicut non idem est signum atque effectus, siquidem latius patet signum, quam effectus. Nam sunt signa, quæ proprie nec causa sunt nec effectus rei significatae, ut v. g. lac habere vacam vel capram, signum est quod peperit, nihilominus partus nec causa est nec effectus lactis.

(4) Vide *Lossada*, *Logic.*, tract. 6, disp. 2, cap. 1, n. 5. Forte tamen ista demonstrationes non sunt ultimæ, nam fere demonstran-

Demonstratio
Propter quid et
quia.

240. Cum hac bimembri divisione confundunt quidam (1) celebrem illam divisionem in demonstrationem propter quid et demonstrationem quia, quamquam alter sentit communissima veterum opinio cum Aristotele (2), S. Thoma (3) et Commentatoribus (4).

Demonstratio ergo propter quid ($\Delta\delta\pi\tau$) est illa, quae non solum ostendit, quod res sit, sed etiam cur ita sit, afferendo videlicet causam propriam et adequatam, qualis est proxima et immediata rei causa. Ut si probes risibile per admirativum, defectum luna per interpositionem terra. Demonstratio vero quia ($\delta\tau\iota$) est illa, que solum ostendit, quod res sit, non vero cur res sit (5). Et bifariam fieri potest, ab effectibus, et per causam non proximam sed remotam. Causa enim remota sola non ostendit, cur res sit; quia licet, ipsa sublata, res esse non possit, sed adhuc, ipsa posita, nondum sequitur effectus, donec aliud accedit, v.g. cur leo respiret, non scitur solum per hoc, quod sciatur illum esse animal. Nam licet nihil, quod non sit animal, respiret, non tamen sufficit esse animal ad respirandum, nisi habeatur pulmo. Quare demonstratio quia comprehendit tum omnes demonstrationes a posteriori, seu per effectum vel signum, tum demonstrationes a priori, quae sint per causam remotam.

Ex his patet praestantia demonstrationis propter quid pra alia quia. Illa enim demonstrat, cur res sit, et consequenter explet situm sciendi, quam non explet demonstratio quia ob oppositam rationem.

Circa hanc divisionem solent duo disputari: primum, an sit adequata, secundo utrum sit univoca, an vero analoga.

Duo dubia:
primum,
sine adequata
predicta divisio.

dum ulterius erit medium illud concomitans habere cum re demonstranda connexionem.

(1) Apud Complutenses, *Logic.*, disp. 18, q. 3, n. 34.

(2) 1.^o *Posterior.*, cap. 10.

(3) In 1.^{um} *Posterior.*, lect. 23, 24.

(4) Vide Sotum, Conimbricenses, Toletum, Mauri, aliquo in 1.^{um} *Posterior.*, cap. 10; et Joann. a S. Thom., *Logic.*, q. 25, n. 4.

(5) Notat hic Dominicus Soto in appellatam esse hanc demonstrationem ex versione Severini Boetii, qui græcam particulam $\delta\tau\iota$ textus Aristotelici convertit per latinam quia: quamquam nec græca nec latina particula hic significent causam rei, sed solum quod res est.

Quod ad primum attinet, quamquam aliqui cum Averroë (1), ac Themistio (2), aliter sentiant, communissima tamen sententia docet divisionem esse adæquatam; nam inter demonstrationem per causam proximam, et demonstrationem, qua non fit per causam proximam, nihil medium assignari potest. Atqui si demonstratio fiat per causam proximam, vocatur propter quid; si vero non fiat per causam proximam, vocatur quia, sive interea medium probationis petatur ex effectu, sive ex causis remotioribus.

Difficultates, que in contrarium objiciuntur, videri possunt apud Dominicum Sotum (3), Complutenses (4), Cosmam de Lerma (5), Soarez (6) et alios.

Gravior existit controversia de ratione prædictarum divisionis. Sunt enim non pauci, qui contendant divisionem in demonstrationem propter quid et quia esse univocam atque adeo generis in suas species. Ita inter alios P. Rubius (7) aliique (8). At vero sententia communior antiquorum cum Sancto Thoma (9), Soto (10), Conimbricensibus (11), Complutensibus (12), et Joanne a S. Thom. (13), tenet divisionem illam esse analogam. Licet enim utraque demonstratio con-

ditionum, utrum
dubium, utrum
eadem divisio
sit univoca.

(1) 1.^o *Posterior.*, text. 95.

(2) 1.^o *Posterior.*, cap. 29, apud Complutens., disp. 18, *Logic.*, q. 3, n. 39.

(3) 1.^o *Posterior.*, cap. 10, 11, quæst. 5.^a

(4) Loc. nup. citato.

(5) *Logic.*, lib. 8, q. 9.

(6) *Logic.*, tract. 8, disp. 3, sect. 1.

(7) Lib. 1.^o *Posterior.*, cap. 10, q. 2, n. 11 seqq.

(8) Apud eundem, et apud Complutens., *Log.*, disp. 18, q. 4.

(9) Vide 1.^o *Posterior.*, lect. 4, *Quarto ibi...* quo in loco sic habet post relatum demonstrationem ab effectibus. *Sed proprius et perfectus sciendi modus est, qui prædictus est, nempe propter quid.* Vide etiam ibid. lect. 23, ubi demonstrationem propter quid vocat demonstrationem simpliciter.

(10) Vide 1.^o *Posterior.*, cap. 3, q. 2 ad 2.^{um} *principale*, ubi ait demonstrationem quia non facere simpliciter scire; et ib. cap. 10, in expositione paulo post initium docet solam demonstrationem propter quid esse demonstrationem simpliciter, eaque soli convenire Aristotelicam demonstrationis definitionem superius expositam.

(11) 1.^o *Posterior.*, cap. 10, q. 1, a. 3, *Circum ultimum argumentum.*

(12) *Logic.*, disp. 18, q. 4.

(13) *Logic.*, q. 25, art. 4.

veniat in evidencia ac certitudine veri nominis habenda; nihilominus longe distant inter se in parienda scientia. Demonstratio nempe *propter quid* facit scire rem ostendendo causam ejus, at demonstratio *quia* non facit scire rem simpliciter. Simpliciter enim rem tunc scimus, cum causam vel rationem, cur res sit, cognoscimus: id quod solum per demonstrationem *propter quid* obtinetur. Ideo hæc dici debet demonstratio simpliciter, altera vero est demonstratio dumtaxat secundum quid.

Demonstratio potissima

Jam vero inter demonstrationes *propter quid* illa, in qua prima passio rei demonstratur, vocari solet demonstratio *potissima*; cuius proinde medium est ipsa rei essentia, unde proxime et immediate manat talis passio seu proprietas: ut si *admirativum* probes ex *rationali*.

Demonstratio ostensiva et ducens ad impossibile:

241. Est et alia demonstrationis divisio in ostensivam et ducentem ad impossibile. Prima est illa, quæ ex præmissis veris ac necessariis positive rem demonstrat: demonstratio autem ducens ad impossibile, quæ etiam *ab absurdo* vel *ab inconvenienti* vel *ab incommodo* dicitur, rem demonstrat, opusitum esse falsum ostendendo: quare bifariam fieri potest: primo indicando absurdum, quod sequeretur ex non admissa aliqua conclusione, ut si sic arguas: *Si homo non foret intelligens, non discreparet a belluis. Atqui falsum est bonum a belluis non discrepare. Ergo...* Deinde fieri potest etiam assumendo propositionem contradictoriam alteri negata ab adversario, et ex ea et altera præmissa ab eodem concessa, erundo conclusionem impossibilem: qui modus expositus fuit in Dialectica, cum sermo esset de probatione modorum syllogismi imperfectorum.

Hic unum nota cum pluribus auctoribus (1) demonstrationem etiam ducentem ad impossibile revocari posse vel ad demonstrationem propter quid, vel ad quia, prout ducat ad impossibile per causas talis impossibilitatis, ut si dicas: *Si lapis est rationalis, erit admirativus ac risibilis;* vel per effectus, ut si hoc pacto arguas: *Si equus discurrat, erit animal rationale.*

(1) Vide Auctores citatos nuper pro quæstione illa, num adæquata sit divisio demonstrationis in demonstrationem *propter quid* et *quia*.

Denique demonstratio dividitur in *universalem* et *particularē*, et in *affirmativam* et *negativam*; quæ divisiones per se patent, atque etiam in Dialectica expositæ sunt.

Cæterum si has ultimas divisiones inter se comparaveris, facile videbis, universalem particulari, affirmativam negativa, et ostensivam ducent ad impossibile præferendam esse. Id quod fuse probat Aristoteles (1).

Universals
et particularis:
affirmativa et
negativa,
et quomodo
huius inter
se comparantur.

ARTICULUS IV.

De prærequisitis ad demonstrandum seu de præcognitis et præcognitionibus.

242. *Omnis doctrina*, inquit Philosophus (2), *omnisque disciplina intellectiva (discursivam ali⁹ vertunt) ex precedenti fit cognitione* (3). Quorum verborum triplex est inter commentatores interpretatio (4): prima est eorum, qui per doctrinam et disciplinam (quæ idem valent sub diverso respectu, siquidem id quod *doctrina* vocatur relate ad magistrum, *disciplina* audit relate ad discipulum) dicunt (5) intelligi posse omnem cognitionem intellectueme sive simplicis apprehensionis, sive judicij; nam semper verum est omnem hujusmodi cognitionem fieri ex præcente alia cognitione, nempe sensitiva. Alii arbitrantur nomine doctrinae ac disciplinae venire cognitionem dumtaxat judicativam, sive immediatam, sive discursivam aut mediata; talem enim cognitionem necessario præcedit alia non solum sensitiva, sed etiam intellectiva, saltem simplex apprehensio. Tertio demum alii attentius respicientes scopum totius hujus capituli Aristotelici, sentiunt notitia illa intellectiva, quæ fiat ex præcedenti cognitione, comprehendi ex mente Philosophi solam discursivam. Et quamvis tres

Omnis doctrina
fit ex precedenti
disciplina:

variae in-
terpretationes
hujus præcepti
Aristotelici.

(1) Lib. 1.^a *Posterior.*, cap. 20, 21 et 22. Vide ib. *Commentator.* et S. Th., lec. 37-42.

(2) Lib. 1.^a *Posterior.*, cap. 1.

(3) De voce *doctrina* et *disciplina* ab Aristotele usurpata vide Conimbric., 1.^a *Posterior.*, cap. 1, q. 2, a. 2.

(4) Vida Conimbric., 1.^a *Posterior.*, cap. 1, quest. 2, art. 1; Tole-
tum 1.^a *Poster.*, cap. 1; Complutén., *Log.*, disp. 17, q. 1.

(5) Vide Sotum, Lib. 1.^a *Poster.*, cap. 1, in exposit. textus; Co-
nimbric., ibid. q. 2, art. 1, initio; et Rubrium, ib. cap. 1, q. 1 initio.

istæ interpretationes vere explicit, quomodo omnis doctrina et disciplina ex precedenti fiat cognitione; nihilominus tertii præferenda videtur, utpote magis conformis fini, quem sibi præfixit Stagirita. Et sic sentiunt inter alios Toletus (1), Rubius (2), Conimbricenses (3), Complutenses (4), Joannes a S. Thoma (5), aliquie cum Alberto et multis priscis commentatoribus (6).

Jam supposito, quod omnis discursiva cognitio ex prævia alia cognitione fieri debeat, ea quæ ante demonstrationem præcognoscere oportet, ac modos, quibus præcognoscantur, nunc declaranda veniunt. Pro quorum intelligentia

Advertendum est ea dici *præcognitum*, quorum cognitionis est necessaria ipsi demonstrationi ideo, ut demonstratio absque tali eorum cognitione non possit procedere; non tamen in ipsa demonstratione, sed extra cognoscuntur. «Modus autem cognitionis, quo hæc præcognoscere necesse est, *præcognitio* dicitur» (7).

243. Et præcognita quidem ex Aristotelis et communis veterum Dialecticorum sententia tria recensentur, *subjectum*, *passio* et *principia*. Subjectum est id, de quo aliiquid demonstrare intendimus; passio est in hac tractatione prædicatum illud, quod de subjecto demonstrandum assumimus. Nam «licet in demonstratione non semper concludatur vera passio de subjecto, ut cum una pars essentialis, aut una definitio per alias probatur, vocavit autem Aristoteles omne ejusmodi prædicatum passionem; et quia, dum ita concluditur, passionis modum habet, et quia plerunque demonstratio in veris passionibus conficitur» (8). Principia denique sunt præmissæ, ex quibus colligitur in conclusione passionem subjecto convenire (9).

(1) In lib. 1.^a *Posterior.*, cap. 1.

(2) Ibid. q. 1.

(3) Ibid. q. 2, art. 1.

(4) *Log.*, disp. 17, q. 1.

(5) *Logic.*, q. 24, art. 1.

(6) Vide illos apud Conimbricenses et Toletum.

(7) Toletus, loc. cit. n. 3, et auctor. antiq. passim.

(8) Conimbric., 1.^a *Posterior.*, cap. 1, quest. 3; art. 4, initio.

(9) Vide de his Conimbric., loc. nup. cit. quest 3, art. 3, seqq.; Rubius ibid. quest 2 et 3; Sotum ibid. in *exposition.* capit. primi.

Quid
præcognita
et
præcognitiones.

Quot sint
præcognitata,

ARTIC. 4.^{us} DE PRÆREQUISITIS AD DEMONSTRANDUM 875

Quod tria hæc prænoscendi oporteat, nemo in dubium revocare potest. Quid enim demonstrari possit de subjecto, quod ignoratur? aut quomodo de subjecto demonstrari possit passio vel prædicatum, cuius notitia non habetur? et quomodo conclusio possit inferri, nisi cognoscantur prius præmissæ, unde illa derivanda est? Quarnobrem tria sunt præcognita.

Præcognitiones autem, seu modi, quibus hæc præcognita oportet cognoscere, sunt due, *an est*, et *quid est*. Præcognitio *an est* bifariam dividitur, quandoquidem versari potest circa esse rei, cognoscendo nempe rem existere, aut saltem esse possibile, et circa esse veritatis, nimurum cognoscendo propositionem aliquam esse veram. Similiter prænotio *quid est*, in duas alias dispsescitur, in *quid nominis* et *quid rei*; primum horum habetur per significationem nominis, alterum per definitionem rei.

Cæterum quo ordine se habeant inter se istæ prænotiones, explicat Angelicus hisce verbis: *Antequam sciatur de aliquo, an sit; non potest sciri proprie de eo, quid sit; non eniūm enim non sunt definitions. Unde questio an est præcedit questionem quid est. Sed non potest ostendī de aliquo, an est, nisi prius intelligatur quid significatur per nomen. Propter quod etiam Philosphus in 4.^a *Metaphysicæ* in *disputatione contra negantes principia docet incipere a significacione nominum** (1).

244. Jam de subjecto generatim prænoscendi oportet in primitis, *quid sit*, saltem quoad nomen, ut per se patet. Deinde cognoscendum quoque est de subjecto, *an sit*, saltem possibile (nisi forte de ipsa possibilitate subjecti disputetur, aut de ente chimarico); nam necesse non est prænoscere, *an actu* existat. Primum horum probatur; nam res impossibilis nullas habet veri nominis passiones, quæ demonstrantur. Non autem necesse est prænoscere quod subjectum *actu sit*, quia unio prædicti cum subjecto *absolvitur a tempore* (2). Neque enim ut concludam animum humanum esse immortalem, requiritur ut animus *actu* existat, cum propositio illa

quot
præcognitiones,

et quo ordine
se habent.

Quid
prænoscendum
de subjecto.

(1) S. Thom. 1.^a *Posterior.*, lect. 2, post initium.

(2) Quid sit propositionem *absolvī a tempore* exposuimus in *Logica Minorī*, n. 100.

sit æternæ veritatis. Si quando autem attributum de subjecto demonstretur, quod non conveniat nisi rei existenti, etiam prænoscendus est, ut patet, subjectum actu existere. Et hæc quidem dicta sint de his demonstrationibus, in quibus veræ passiones de entibus realibus demonstrantur. Potest tamen eadem doctrina cum proportione extendi ad entia rationis et negativa, de quibus aliquid esse, saltem possibile, prænoscendum est; de ente quidem rationis, *quod objective existere queat in intellectu*, de negativo autem, *quod negative esse queat in rerum natura per remotionem scilicet formæ eo modo, quo dari in re potest cœcitas vel tenebræ etc.* (1).

Denique de subjecto non necesse est prænoscere *quid rei*, nisi in demonstratione potissima, in qua ipsa rei essentia desumitur pro medio ad primam passionem demonstrandam (2). Et hæc intelliguntur de subjecto particularium demonstrationium.

Quid
prænoscendum
de subjecto
totius scientie.

Quæri autem potest, quid dicendum sit de subjecto, quod est objectum scientiae alicujus totalis. Et primo quidem quod attinet ad prænotionem *quid sit*, censent Conimbricenses cum S. Thoma, Alberto, Cajetano etc. (3) de subjecto totalis scientie habendam esse prænotionem *quid sit*, id est, prænoscendum esse, quæ sit ejus natura et essentia. Ratio est, quia quævis scientia ante omnia præmittit, ac supponit principia. Sed nullum est in scientia principium potius quam definitio. Ergo. Præterea quidditativa rei definitio est primum illius prædicatum maximeque intrinsecum. Ergo nullum potest esse medium, quo demonstretur, intellige demonstratione *propter quid*. Nam medium hujusmodi demonstrationis est causa et prius eo, quo demonstratur. Quare si definitio exprimit primum, quod in re est, demonstrari nequit, sed præsupponenda est (4).

Quod vera attinet ad existentiam subjecti scientie totalis, sic præcipiunt iidem Conimbricenses cum pluribus aliis Au-

(1) Vide Conimbric., 1.^a *Posterior.*, cap. 1, quæst. 3, art. 3, *sect. articuli*, in 3.^a conclusione.

(2) Vide Conimbric., ib. q. 3, a. 3, post med. et in *section. artic.*; Rub. *ibid.* q. 2, et 3.

(3) Vide Conimbric., loc. cit., quæst. 3, art. 3.

(4) Plura dabunt Conimbricens. loc. cit.

ctoribus: «Licit totali scientiæ demonstrare a posteriori suum subjectum esse; idque præstare debet, quando illud non est aut sensu aut ex terminis notum; quamvis ea demonstratio aut a sola Metaphysica, aut non sine ejus beneficio construi possit» (1).

245. Sed jam veniamus ad passionem, de qua prænoscendum est ante omnia *quid nominis*, ut manifestum est. Non tamen prænoscit debet de illa, *an sit*, vel *quid sit secundum rem*. Ut primum horum probetur, nota, quod hic loquimur formaliter de passione, quatenus passio est, non vero quatenus accidens est, vel secundum aliam generalē rationem. Potest enim quis scire risibilitatem hominis, ignorare tamen *an sit* passio ejus; et tunc, licet cognoscat *an sit* risibilitas, secundum *quod est ens*, aut *accidens*, non tamen cognoscit *an sit illius*, secundum *quod est propria passio*. Hoc ergo posito, probatur conclusio quoad priorem partem, quia *an sit* passionis, ostenditur per demonstrationem: ergo non præcognoscitur ante illam. Probatur antecedens, quia *an sit* seu esse proprium passionis est inesse subjecto; sed hoc demonstratur. Ergo... «Secunda pars etiam patet. Nam *quid rei* passionis pendet ex proprio subjecto, per quod debet definiri. Sed per demonstrationem cognoscitur, quodnam sit passionis subjectum. Ergo non sicut præcognitum, et per consequens neque *quid rei* ipsius passionis» (2).

Quid
prænoscendum
de passione, vel
proprietate.

246. De principio non cognosci debet *quid sit*, sed solum *an sit* in esse veri, nempe *an sit verum*. Primum patet, quia *quid sit res*, cognoscitur per definitionem; at definitio non cadit in propositiones, utpote quæ sunt complexum quiddam, sed in terminos. Ergo non est proprium principii, ut cognoscatur præcognitione *quid sit*. Alterum etiam probatur, quia in demonstratione ante assensum conclusionis necesse est, ut præcedat assensum præmissarum seu principiorum; quare jam haec præsupponuntur, ac debent præsupponi vera, ut possit conclusio sequi.

Quid
prænoscendum
de principiis.

(1) Conimbric., ib. q. 3, art. 3, *sectio articuli, conclusio sexta*, quam vide ab iidem probatam. Cfr. Suarez, disp. *Metaph.* 1.^a, sect. 4, n. 14.

(2) Complutenses, loc. cit., q. 2, n. 25. Cfr. S. Thomam 1.^a *Posterior.*, lect. 2; et Conimbricens, *ibid.* art. 4, ubi fuse.